

KONTRATE SHITBLERJE KUOTASH

Sot, më 23/02/2021 është nënshkruar kjo Kontratë shitblerje kuotash (këtu e më poshtë referuar si "**Kontrata**") midis palëve të mëposhtme:

- Z. **Gjergji GURI**, i biri i Anestit, lindur më 9.6.1975 në Korçë dhe banues në Rr. Faik Konica, Tiranë, mbajtës i kartës së identitetit me Nr.personal H50609132D, Ortak dhe Administrator Ligjor i shoqërisë **Facilization SHPK**, (më poshtë i quajtur "**Shitësi**");

Dhe

- Z. **Klodjan HIMA**, i biri i Bajramit, lindur më 23/02/1979 në Kuçovë dhe banues në Rr.Vath Koreshi, Pll 12/1, Shk1, Ap 44, Tiranë, mbajtës i kartës së identitetit me Nr. Personal H90223158M, Punëmarrës i shoqërisë **Facilization SHPK**, (më poshtë i quajtur "**Blerësi**");

Shitësi dhe Blerësi të cilët referohen bashkërisht si "**Palët**" dhe individualisht si "**Pala**".

NDERSA:

- I. Në bazë të Vendimit të Ortakëve të shoqërisë **Facilization SHPK** me date 14 dhjetor 2015, një shoqëri e themeluar dhe regjistruar në Qendrën Kombëtare të Biznesit, Shqipëri më 2 Nëntor 2009, me seli në Rr. Sami Frashëri, P. 56, Kompleksi TID, Hyrja B, Kati 1, Tiranë, me numër unik të identifikimit të subjektit K94702003N me kapital të regjistruar prej 20.000.000,00 lekë, ortakët të cilët përfaqësojnë 100% të kapitalit të shoqërisë **Facilization SHPK**, kanë vendosur të lejojnë ortakun Gjergji Guri i cili është zotërues i një kuote e cila përfaqëson në atë moment 95% të kapitalit të Shoqërisë të ofrojë për shitje një pjesë të përqindjes që zotëron në kapitalin e shoqërisë në sasinë jo më shumë se 17% të kapitalit dhe kohën dhe mënyrën e caktuar prej ortakut Gjergji Guri nëpërmjet marrëveshjeve që ky i fundit do të nënshkruajë me blerësin/t potencial/ë sipas vullnetit dhe gjykimit të tij të lirë.
- II. Bazuar në sa më sipër si dhe në bazë të Marrëveshjes së opsionit datë 31.01.2018 të nënshkruar midis ortakut Gjergji Guri dhe Klodjan Hima, ky i fundit ka dorëzuar më datë 08.01.2021 Njoftimin e Ushtrimit të së Drejtës së Blerjes sipas parashikimeve të Marrëveshjes së opsionit të cituar në këtë nen.

ATEHERE, palët bien dakord sa më poshtë:

Neni 1
Objekti

- 1.1 Shitësi bie dakord t'i shesë Blerësit dhe Blerësi bie dakord të blejë nga Shitësi 1 (një) kuotë të zotëruar prej këtij të fundit në kapitalin e Shoqërisë, e cila përfaqëson 0.5% (zero)

pikë pesë përqind) të kapitalit të Shoqërisë me vlere nominale 100,000 Lekë (njqind mijë lekë), të lirë nga çdo peng ("Kuota").

Neni 2

Cmimi i kuotës dhe mënyra e pagesës

2.1 Çmimi që Blerësi do t'i paguajë Shitësit për blerjen e Kuotës do të jetë 750,000 (shtatëqind e pesëdhjetë mijë) Lekë dhe do të paguhet sipas nenit 3 më poshtë.

Neni 3

Transferimi i kuotës

3.1 Të drejtat pronësisë të Shitësit mbi Kuotën e Shoqërisë do t'i transferohen Blerësit menjëherë me nënshkrimin e kësaj Marrëveshjeje dhe pagesën e çmimit prej 750,000 (shtatëqind e pesëdhjetë mijë) Lekë në llogarinë bankare të Shitësit sipas të dhënave të mëposhtme:

Gjergji Guri, Banka Kombëtare Tregëtare - DEGA PIAZZA, Numër Logarie LEK : 402328893, IBAN: AL8720511320328893CLIDCLALLG.

3.2. Transferimi i kuotes do të ndodhë me nënshkrimin e kësaj Marrëveshjeje dhe pagesën shumes prej 750.000,00 (shtatë qind e pesëdhjetë mijë Lekë) të cmimit të shitblerjes. Data e transferimit të kuotave, do të jetë data e nënshkrimit të kësaj marrëveshje.

3.3 Pas transferimit të pjesës së mësipërme të kapitalit Blerësi do të zotërojë 1 (një) kuotë e cila përbën 2% (dy përqind) të kapitalit të shoqërisë me vlerë nominale 400,000 (katerqind mijë) Lekë ndërsa Shitësit i mbetet një kuote e cila përfaqëson 82.9% (tetëdhjetë e dy pike nente përqind) të kapitalit të shoqërisë me vlerë nominale 16,580,000 (gjashtembëdhjetë milion e pesëqind e tetëdhjetë mijë) Lekë.

3.4 Palët janë në dijeni dhe bien shprehimisht dakord që Blerësi nuk ka të drejta dhe pretendime mbi fitimet e pashpërndara të shoqërisë të cilat mund të shpërndahen si dividend i aplikueshëm mbi kuotën objekt i kësaj kontrate shitjeje për vitin financiar i cili përfundon më 31 dhjetor 2020 apo vitet e tjerë paraardhës. Blerësi fiton të drejtën mbi fitimet e shoqërisë të realizuara gjatë vitit i cili përfundon më 31 dhjetor 2021, dhe gjithmonë në raport me kuotën që zotëron në shoqëri si dhe në proporcion me periudhën e fitimit të kësaj kuote.

Neni 4

Përfaqësime dhe garanci

4.1 Nëpërmjet kësaj Marrëveshjeje Shitësi përfaqëson dhe i garanton Blerësit se:

- i. Shitësi është zotëruesi i ligjshëm i 83.40% (tetëdhjetë e tre pike dyzete përqind) të kapitalit të shoqërisë, dhe nuk ka pretendime nga ndonjë palë e tretë mbi të drejtat e pronësisë së Kuotës, të tashme apo potenciale, e cila mund të ketë një impakt material mbi të drejtën e pronësisë së Kuotës.

ii. Shitësi nuk po shkel ndonjë marrëveshje në të cilën paraqitet si palë, e cila mund të ndikojë negativisht në blerjen e Kuotës;

iii. Kuota nuk i nënshkrohet ndonjë kufizimi apo barre në favor të ndonjë pale të tretë.

4.2 Shitësi përfaqëson dhe garanton se ka aftësinë ligjore të nënshkruajë këtë kontratë dhe të gjitha kushtet dhe afatet të kësaj kontratë janë të detyrueshme për tu zbatuar prej tij.

4.3 Asnjë konflikt/përputhshmëria me ligjin e aplikueshëm: Nënshkrimi dhe përmbushja e kësaj Kontrate, përfundimi i Mbylljes si dhe çdo dokument tjetër dhe transaksion i parashikuar këtu, nuk përbën konflikt me, nuk rezulton në shkelje me apo të përbëjë shkelje nën: a) çdo ligj, rregullore, gjykimi, urdhër, dekret, urdhër ose vendim i ndonjë gjykate, autoritet apo arbitrit në fuqi ose që kanë juridiksion mbi Shitësin; apo b) ndonjë shoqëri apo dispozitë kontraktuale me të cilin Shitësi është i detyruar as ndonjë marrëveshje tjetër ose instrument të cilin Shitësi është palë.

4.4. Shitësi ka të drejta të plota ligjore mbi pronësinë e Kuotës dhe ka të drejtën e plotë dhe kompetencën për të shitur, caktuar, transferuar dhe dorëzuar Kuotën në përputhje me kushtet e kësaj Kontrate.

4.5 Kjo kontratë është në përputhje dhe me kushtin e rënë dakord mes palëve, sipas nenit 5.4 të Marrëveshjes për blerje me kusht të pjesëve të kapitalit datë 31.01.2018.

Neni 5

Taksat e aplikueshme

5.1 Të gjitha taksat, tarifat dhe detyrimet e një natyre tjetër, të tashme dhe/ose të mëvonshme në lidhje me nënshkrimin dhe regjistrimin e kësaj Kontrate do të paguhën sipas ligjit.

Neni 6

Të ndryshme

6.1 Kjo Kontratë bashku me Marrëveshjen e opsionit datë 31.01.2018 përbëjnë marrëveshjen dhe mirëkuptimin e plotë midis palëve në lidhje me objektin e kësaj kontrate dhe zëvendëson të gjitha marrëveshjet dhe mirëkuptimet e mëparshme, në formë të shkruar dhe vebale, midis palëve nënshkruese. Nuk ka deklaram, premtim, deklaratë ose qëllim në formë të shkruar ose verbale, midis palëve që nuk është përfshirë në këtë Kontratë dhe në Marrëveshjen e opsionit që mund të kenë pasojë ose efekt mbi Kontratën ose objektin e saj.

6.2 Kjo Kontratë nuk do të ndryshohet, zëvendësohet ose anulohet përveç se me një dokument në formë shkresore të nënshkruar nga të dyja palët dhe çdo dokument që ka për qëllim të ndryshojë, zëvendësojë ose anulojë Kontratën ose pjesë të saj nuk do të jetë i detyrueshëm dhe nuk do të ketë efekt deri në momentin që nënshkruhet dhe dorëzohet nga të dyja palët.

6.3 Nëse ndonjë nga nenet e Kontratës shpallet e pavlefshme ose e pazbatueshme, vlefshmëria ose zbatueshmëria e neneve të tjera nuk do të ndikohet. Neni i pavlefshëm do të zëvendësohet nga një i vlefshëm i cili i korrespondon sa më shumë të jetë e mundur qëllimit të palëve.

6.4 Blerësi nuk do transferojë Kontratën dhe/ose të drejtat dhe detyrimet përkatëse sipas kësaj Kontrate, tërësisht ose pjesërisht, pa pëlqimin paraprak me shkrim të Shitësit.

6.5 Të gjitha njoftimet ose komunikimet e tjera midis palëve kontraktore do të bëhen në formë të shkruar dhe do të konsiderohen si të dorëzuara rregullisht nëse dorëzohen nëpërmjet postës së regjistruar ose elektronike në adresën e mëposhtme:

Z. Gjergji Guri

Posta: Rr. Faik Konica, Nd. 21, H.3, Ap. 44 Tiranë
Posta Elektronike: gjguri@gmail.com

Z. Klodjan Hima

Posta: Rr. Vath Koreshi, Pll 12/1, Shk 1, Ap 9, Tiranë
Posta Elektronike: klodhima@gmail.com


6.6 Në këtë Kontratë, përveç kur konteksti e kërkon ndryshe fjalët në njëjës do të përfshijnë edhe fjalët në shumës dhe e anasjelltas, fjalët që përfaqësojnë një gjini do të përfshijnë edhe gjininë tjetër. Gjuha e kësaj Kontrate në të gjitha rastet do të interpretohet si një e tërë në përputhje me kuptimin e saj të drejtë dhe pa nënkuptuar supozime se kushtet në të duhet të interpretohet më rreptësisht kundër njërës Palë në krahasim me Palën që ka përgatitur të njëjtën gjë; bëhet me dije se të dyja Palët kanë marrë pjesë në hartimin dhe negocimin e kësaj Kontrate.

6.7 Kjo Kontratë do të rregullohet dhe interpretohet në përputhje me Ligjet e Republikës së Shqipërisë.

6.8 Kontrata hartohet dhe nënshkruhet në 3 (tre) kopje identike në gjuhën shqipe, një kopje për shitësin, një për blerësin dhe një për regjistrin tregtar të mbajtur nga Qendra Kombëtare e Biznesit.


Për shitësin

Gjergji GURI



Për blerësin

Klodjan HIMA



Datë: 08.01.2021

Drejtuar: Z. Gjergji Guri
Ortak dhe Administrator i Shoqërisë (SHITESI)
Facilization SHPK


KERKESE

Lënda: Njoftim i ushtrimit të së drejtës së blerjes

Unë Klodjan Hima, mbajtës i kartës së identitetit me Nr. Personal H90223158M, sipas Marrëveshjes të Blerjes me Kusht të Pjesëve të Kapitalit datë 31 Janar 2018, kërkoj që të ushtroj të drejtën për blerjen e 0.5% (zero pikë pesë përqind) kuota të bleshme të maturuara në datë 31-01-2021 kundrejt çmimit të blerjes prej 750'000,00 Leke (shtatëqind e pesëdhjetë mijë lekë) çmim i cili është përcaktuar në Shtojcës A të marrëveshjes.

Pjesëmarrësi (BLERESI)

Klodjan Hima



Tirane me date 23.03.2021

Drejtuar: **Qendres Kombetare te Biznesit**
Nga: **Facilization SHPK**
Lënda: **Shenime shpjeguese per aplikimin**

Të nderuar,

Facilization SHPK, qe nga viti 2015, bazuar ne vendimin e asamblese date 14.12.2015, ka lejuar fillimin e procesit per shitjen e kuotave te ortakut Z. Gjergji Guri, deri ne masen 17%. Jane bere aplikime te meparshme per shitjen e kuotave, duke krijuar nje praktike te pakundershtuar me heret nga QKB.

Nepermjet aplikimit te dites se sotme, nepermjet dokumentacionit te depozituar kerkohet regjistrimi i shitjes se kuotave.

Kerkojme qe te konsideroni se, cdo kontrate shitje kuotash bazohet ne vendimin e asamblese se shoqerise date 14.12.2015, i cili eshte depozituar prane QKB qe ne aplikimin e pare te shitjes date 18.03.2016(referuar ekstraktit historik).

Kontrata e Shitblerjes se kuotave date 23.02.2021, sipas Ligjit Nr. 9723, date 03.05.2007 "Per Regjistrimin e Biznesit" i ndryshuar, neni 22 pika 4/1, eshte brenda afatit ligjor per regjistrim.

Sipas Statutit te Shoqerise, vendimet per shitjen e kuotave, konsiderohen se merren ne mbledhje te jashtezakonshme, e cila kerkon pranine e ortakeve me te pakten 75% te kapitalit themeltar. Ortaket te cilet kane nenshkruar vendimin e asamblese date 14.12.2015, vazhdojne te zoterojne edhe sot mbi 75% te kapitalit themeltar.

Duke ju falenderuar per mirekuptimin!

Armand Sokoli

Perfaqesues me Autorizim



**MARREVESHJE PER BLERJEN ME KUSHT TE PJESEVE TE KAPITALIT-
PLANI 2015**

MIDIS

Ortakut dhe Administratorit të Shoqërisë Facilization SHPK
Gjergji Guri

Dhe Punonjësit të Shoqërisë Facilization SHPK
Klodjan Hima

Datë, 31-Jan-2018



MARREVESHJE PER BLERJEN PJESEVE TE KAPITALIT

MIDIS:

- Z. Gjergji Guri, i biri i Anestit, lindur më 9/6/1975 në Korçë dhe banues në Rr. Faik Konica, Nd. 21, H.3, Ap. 44 Tiranë, mbajtës i kartës së identitetit me Nr. H50609132D, Ortak dhe Administrator Ligjor i shoqërisë,(më poshtë i quajtur “ **Ortaku**”);

Dhe

- Z. Klodjan Hima, i biri i Barjamit, lindur më 23/02/1979 në Kuçovë dhe banues në Tiranë, mbajtës i kartës së identitetit me Nr. Personal H90223158M, Punonjës i shoqërisë Facilization SHPK, (më poshtë i quajtur “ Pjesëmarrësi”);

Të gjithë palët e përmendura më sipër, të gjithë së bashku do të quhen “Palët”.

PLANI I SHITJEVE TE KUOTAVE ME KUSHT 2015

Qëllimi

Qëllimi i këtij Planit është që të promovojë objektivat e shoqërisë Facilization shpk (më poshtë e quajtur “Shoqëria”) duke ju ofruar punonjësve të dalluar stimuj për të maksimizuar vlerën e Shoqërisë dhe vazhdimësinë e punësimit në të. Përveç nëse konteksti e kërkon ndryshe, termat me gërma kapitale të përdorura në këtë dokument janë të përcaktuara në nenin 4.

Administrimi

Plani do të administrohet nga Gjergji Guri (më poshtë quajtur “Ortaku”) që do të ketë autoritet të plotë dhe liri të pakushtëzuar për të ndërmarrë çdo veprim që ai e konsideron të nevojshëm për administrimin dhe funksionimin e Planit. Ortaku nëpërmjet nënshkrimit të kësaj Marrëveshjeje, i jep Pjesëmarrësit të drejtën që të blejë prej tij pjese që ai zotëron në kapitalin e Shoqërisë, sipas kushteve të parashikuara më poshtë.

Kuotat e Vlefshme në Plan

- I. **Kuota Bazë.** Ortaku zotëronte me datë 30 Dhjetor 2015, 4.750 kuota të kapitalit, të Shoqërisë Facilization Shpk të cilat në bazë të Ligjit Nr. 129/2014 “Për disa shtesa dhe ndryshime në Ligjin Nr. 9901 datë 14.04.2008 “Për tregtarët dhe shoqëritë tregtare” i ndryshuar, konvertohet në 1 kuotë, me vlerë 4.750.000,00 Lekë e cila përfaqëson 95% të kapitalit të regjistruar i cili ka vlerën 5.000.000 LEKE. Përqindja totale e kuotës në pronësi të tij që Ortaku vë në dispozicion të punonjësve të Shoqërisë në favor të këtij Planit nuk duhet t’i tejkalojë shtatëmbëdhjetë për qind (17%) të kapitalit të Shoqërisë. Përqindja e kapitalit e vlefshme për blerje me kusht (Opsione) do u jepet punonjësve të Shoqërisë që përmbushin kushtet e vëna nga Ortaku.
- II. **Kuota Shtesë.** Në rastin e skadencës së Opsioneve të dhëna, anulimit ose kur një Opsion ka përfunduar, pjesët e vëna në dispozicion deri në atë moment, të cilat nuk janë blerë nga Pjesëmarrësi, do të kthehen përsëri në dispozicion për qëllimin e Planit.

DUKE PATUR PARASYSH PLANIN E SIPERPERMENDUR, PALET BIEN DAKORT SI VIJON:

NENI 1

PERKUFIZIME TE PERGJITHSHME

- a. Termat e përdorura në këtë Marrëveshje do të kenë kuptimin e përshkruar më poshtë nëse nuk është parashikuar ndryshe apo nëse nuk kanë kuptim tjetër sipas kontekstit të përdorimit.

- b. Patransferueshmëria. Asnjë Opsion nuk mund të transferohet, ose premtohet nga Pjesëmarrësi të një i tretë gjatë jetës së tij. Në varësi të kufizimeve të përfshira në këtë nen, një opsion mund të blihet gjatë jetës së Pjesëmarrësit vetëm nga Pjesëmarrësi. Kjo e drejtë nuk do të jetë e transferueshme dhe duhet të ushtrohet vetëm nga punonjësit të cilit i është dhënë kjo e drejtë. Pjesët e lëshuara pas blerjes të një opsioni mund t'u nënshtrohen kufizimeve të tilla siç janë të përcaktuara në Statutin e Shoqërisë apo në këtë Marrëveshje.
- c. Angazhime paraprake. Si kusht për blerjen e pjesëve në pajtim me kufizimet e një Opsioni, Punonjësi angazhohet në çdo kohë të përfundojë çdo marrëveshje që kërkohet nga Ortaku apo Administratori i Shoqërisë për të përmbushur detyrimet e nevojshme ligjore apo fiskale që mund të lindin në lidhje me transaksionet e shitblerjes së pjesëve.
- d. Kufizime të Drejtave. Asgjë në këtë marrëveshje nuk i jep Pjesëmarrësit ndonjë të drejtë për të vazhduar marrëdhëniet e punësimit për një periudhë të caktuar apo ta ndërpresë atë sikundër nuk kufizon të drejtat e Shoqërisë të ndërpresë marrëdhëniet e punës të Pjesëmarrësit në çdo kohë dhe për çfarëdo arsye, me apo pa shkak.
- e. Pjesëmarrësi nuk ka të drejtë t'i shesë, dhurojë, apo të transferojë në çdo mënyrë tjetër tek të tretët, apo t'i lerë peng apo ngarkojë me çfarëdo lloj barre, pjesërisht apo tërësisht pjesët që zotëron në kapitalin e Shoqërisë të fituara si pasojë e kësaj Marrëveshjeje, përveç rasteve të parashikuara në këtë Marrëveshje.

NENI 2 OPSIONET

- a. **Opsionet.** Opsionet përfaqësojnë një pjesë të kapitalit të Shoqërisë të shprehur në përqindje të kapitalit të shlyer të Shoqërisë dhe të cilat janë subjekt i Planit të Shitjes së Kuotave me Kusht të përcaktuar dhe evidentuara nga “**Njoftimi i Blerjes me Kusht**” të kësaj marrëveshjeje për të cilat Pjesëmarrësi gëzon të drejtën e blerjes me kusht. Këto Opsione do t'i nënshtrohen dhe do të jenë subjekt i kushteve dhe afateve të kësaj marrëveshjeje.
- b. **Masa e Kontributit** (pjesë e kapitalit). Njoftimi i Blerjes me Kusht do të specifikojë masën e kontributit në përqindje të kapitalit që është subjekt i blerjes me kusht.
- c. **Çmimi i Blerjes.** Njoftimi i Blerjes me Kusht që nënshkruhet në Shtojcën A specifikon çmimin e blerjes së Opsioneve i cili nuk mund të jetë më pak se njëqind për qind (100%) të vlerës së tregut të një kuote në përpjesëtim me kontributin përkatës të shprehur në përqindje të kapitalit në datën e nënshkrimit të marrëveshjes. Çmimi i blerjes për çdo opsion të ofruar sipas këtij Plani do të përcaktohet ekskluzivisht vetëm nga Ortaku Gjergji Guri sipas gjykimit të tij. Çmimi i ofruar duhet të jetë i pagueshëm në një formë të përshkruar në Nenin 3.
- d. **Kushtëzimi.** Opsionet do të kthehen në pjesë kapitali të bleshme (përveç kur parashikohet ndryshe në paragrafët (e), (f) dhe (g) më poshtë) në pjesë kumulative prej njëzet për qind (20%) të pjesës totale që përfiton Pjesëmarrësi, në fund të çdo viti të periudhës së kushtëzimit siç parashikohet në Shtojcën A.
- e. **Blerja.** Opsionet duhet të blihen në datën e specifikuar në Njoftimin e Blerjes me Kusht; me kusht që, sidoqoftë, nëse një ngjarje anullimi ndodh para përfundimit të periudhës së kushtëzimit, e drejta për të ushtruar Opsionet anulohet dhe e drejta e disponimit të opsionit i mbetet Ortakut i cili mund t'i disponojë ato sipas gjykimit dhe vullnetit të tij të lirë.
- f. **Afati i Blerjes.** Njoftimi i Blerjes me Kusht që nënshkruhet në Shtojcën A, specifikon kufizimet në afate për blerjen e kuotave të ofruara në këtë plan që nuk mund të kalojë datën **30 Dhjetor 2023**, me përjashtim të rastit kur Ortaku përcakton një afat tjetër. Me

përfundimin e Afatit të Blerjes, Pjesëmarrësi humbet të drejtën për të blerë opsionet e vlefshme të kapitalit të përcaktuar sipas kësaj Marrëveshjeje që Ortaku zotëron në kapitalin e Shoqërisë.

- g. **Ndërprerja e marrëdhënieve të punës.** Në rast se gjatë kohëzgjatjes së kësaj marrëveshjeje, Pjesëmarrësi largohet nga Shoqëria apo atij i ndërpritet kontrata e punës nga Punëdhënësi për çdo lloj arsyeje, të gjitha Opsionet e akumuluar ndër vite por të pablera ende, do të anulohen menjëherë.
- h. **Data e Blerjes.** Data e blerjes është data në të cilën Njoftimi i Ushtrimit të së Drejtës së Blerjes është dorëzuar nga Pjesëmarrësi tek Ortaku.
- i. **Njoftimi i Ushtrimit të së Drejtës së Blerjes.** Është njoftimi i dorëzuar nga Pjesëmarrësi tek Ortaku sipas parashikimeve të nenit 5.1, në të cilin duhet të caktohen të paktën:
 - a. Masa e kontributit në kapital të Ortakut që do t'i ofrohen për shitje Pjesëmarrësit;
 - b. Datën e Zbatimit.
- j. **Data e Zbatimit.** Është data e përcaktuar në Njoftimin e Ushtrimit të së Drejtës së Blerjes për pagesën e çmimit për transferimin e pjesëve të shitura në këtë datë.
- k. **Vendi i Zbatimit.** Është në Tiranë, Shqipëri, siç përcaktohet në Njoftimin e Ushtrimit të së Drejtës së Blerjes që do të jete vendi në të cilin Pjesëmarrësi do t'i paguajë Ortakut Çmimin e Shitjes së Pjesëve.
- l. **E drejta e votës.** Deri në vërtetim të blerjes së pjesëve të ofruara kundrejt Çmimit të Blerjes, Pjesëmarrësi nuk gëzon të drejtën e votës si dhe asnjë të drejtë tjetër që mund të ushtrohet nga ortakët e shoqërisë në bazë të ligjit apo statutit të shoqërisë.
- m. **Plotësimi i Kushtit të blerjes:** nënkupton përmbushjen e kushteve të mëposhtme:
 - a. Njoftimi i Ushtrimit të së Drejtës së Blerjes ushtruar nga Pjesëmarrësi e nënshkruar rregullisht nga të dy palët dhe pasi janë plotësuar kushtet e parashikuara në këtë kontratë.
 - b. Pagesa e çmimit të blerjes së përcaktuar nga Ortaku në, ose para datës së zbatimit sipas mënyrës së specifikuar në këtë kontratë.

NENI 3

E DREJTA E BLERJES

- a. Blerja e kuotave të lëshuara në bazë të kësaj marrëveshjeje do të paguhet me transfertë bankare duke kredituar llogarinë e Ortakut.
- b. Nëse Pjesëmarrësi vendos të ushtrojë të Drejtën e Blerjes duke ushtruar Opsionin, blerja kushtëzohet vetëm mbi Pjesët që Ortaku zotëron në kapitalin e Shoqërisë që janë objekt i kësaj marrëveshjeje sipas Çmimit të Blerjes së Pjesëve të Ortakut të përcaktuara në Njoftimin e Blerjes me Kusht.

NENI 4

PËRCAKTIME

- a) "Shoqëri" do të thotë shoqëria Facilization Shpk, e regjistruar sipas ligjeve Shqiptare, me seli në: "Rr. Sami Frashëri, P. 56, Kompleksi TID, Hyrja B, Kati 1, Tiranë, që vepron nën kodin NIPT : K94702003N.
- b) "Ngjarje Anullimi" do të thotë (i) vdekja apo paafërsia, ose (ii) një ndryshim në kontrollin e Shoqërisë.

- c) "Çmimi i Blerjes" do të thotë shuma për të cilën mund të blihet një pjesë e kapitalit kur ushtohet Opsioni, siç është përcaktuar nga kjo marrëveshje në Njoftimin e Blerjes me Kusht nga Planit 2015.
- d) "Vlera e Tregut " nënkupton vlerën e tregut të një pjesë të kapitalit, siç përcaktohet nga Ortaku në mirëbesim. Përcaktim i tillë do të jetë përfundimtar dhe detyrues për të gjithë punonjësit/pjesëmarrësit.
- e) "Njoftimi i Blerjes me Kusht" do të thotë një njoftim në formën e bashkangjitur si Shtojca A e Marrëveshjes Për Blerjen me Kusht të Pjesëve të Kapitalit sipas Planit 2015 që evidenton dhënien e një mundësisë për Punonjësin nga Ortaku.
- f) "Opsion" do të thotë alternativa për blerjen me kusht të një pjesë të kapitalit nën këtë kontratë që i jep të drejtën mbajtësit për të blerë kuota kapitali të cilat janë subjekt i Planit të Shitjes së Kuotave me Kusht.
- g) "Pjesëmarrës" nënkupton një punonjës të Shoqërisë të cilit Ortaku i ka ofruar, dhe që punonjësi ka pranuar, të drejtën për të blerë kuota sipas Planit 2015.
- h) "Plan" do të thotë Planit i Shitjes së Kuotave me Kusht të Shoqërisë nga Ortaku.
- i) "Kushtëzim Periudhe" do të thotë periudha katër (4) vjeçare duke filluar nga Data e Marrëveshjes gjatë të cilës Opsionet duhet të pihen duke u shndërruar në pjesë të barabarta prej njëzet për qind (20 %) në fund të çdo viti

NENI 5

ZBATIMI

- 5.1 Pjesëmarrësi ka të drejtë që, në çdo moment gjatë Afatit të Ushtrimit të së Drejtës së Blerjes, nëpërmjet dorëzimit të Njoftimit të Ushtrimit të së Drejtës së Blerjes Ortakut, të blejë pjesët e ofruara, kundrejt Çmimit të Blerjes. Me ushtrimin e kësaj të drejte nga ana e Pjesëmarrësit, ai do të jetë i detyruar të blejë Pjesët e ofruara kundrejt pagimit të Çmimit të Blerjes.
- 5.2 Shitja e Pjesëve do të përfshijë edhe të drejtën mbi çdo dividend të deklaruar, por akoma të pa marrë nga Ortaku në lidhje me këto pjesë për periudhën që fillon që nga data e kalimit të pronësisë tek Pjesëmarrësi.
- 5.3 Pjesëmarrësi do të blejë në Datën dhe Vendin e Zbatimit Pjesët e Ortakut të përcaktuar në Njoftimin e Ushtrimit të së Drejtës së Blerjes, dhe do t'i paguajë Ortakut Çmimin e Blerjes në fonde menjëherë të përdorshme në monedhën e përcaktuar nga Ortaku. Ortaku do t'i dorëzojë Pjesëmarrësit dokumentet përkatëse të nënshkruara për transferimin e Pjesëve të lira nga çdo barrë.
- 5.4 Nëse Pjesëmarrësi vendos të rishesë kuotat e fituara sipas kësaj kontrate, atëherë Ortaku ka të drejtën të ushtrojë të drejtën e parablerjes në përputhje me kushtet e kësaj kontrate dhe kontratës të shitjes së kuotës përkatëse, për një çmim jo më të lartë se 150% të çmimit të shitjes së realizuar nga Ortaku tek pjesëmarrësi. Çdo veprim tjetër i Pjesëmarrësit për realizimin e shitjes së kuotës jo në përputhje me këtë kontratë do të konsiderohet një veprim absolutisht i pavlefshëm.

NENI 6

DEKLARIME DHE GARANCI

- 6.1 Ortaku deklaron dhe garanton se Shoqëria është një shoqëri me përgjegjësi të kufizuar e krijuar rregullisht dhe që ekziston sipas legjislacionit të Shqipërisë, është rregullisht

e licencuar dhe zotëron leje dhe licenca të rregullta dhe në fuqi, të cilat janë të nevojshme për të zhvilluar aktivitetin ekonomik në mënyrën që po e zhvillon aktualisht. Ortaku gëzon zotësi të plotë juridike për të vepruar dhe autoritet të plotë për të zotëruar dhe disponuar pronat e saj dhe të zhvillojë aktivitetin ekonomik në mënyrën që po e zhvillon aktualisht.

- 6.2 Ortaku deklaron dhe garanton se gëzon zotësi të plotë juridike për të lidhur dhe zbatuar këtë Marrëveshje dhe të transferojë pjesërisht apo tërësisht pjesët e kapitalit mbi të cilat Pjesëmarrësi mund të ushtrojë të Drejtën e Blerjes dhe këto pjesë janë të lira nga barra, kufizime apo të drejta të tjera të të tretëve mbi to.

NENI 7 TE NDRYSHME


- 7.1 Kjo Marrëveshje mund të shtohet apo ndryshohet vetëm nëpërmjet një akti me shkrim dhe të nënshkruar nga palët e kësaj Marrëveshjeje.
- 7.2 Pjesëmarrësi nuk mund t'i kalojë të tretëve, një pjesë apo të gjitha të drejtat që rrjedhin për të nga kjo Marrëveshje, pa pëlqimin paraprak me shkrim të Ortakut.
- 7.3 Në rast se një ose disa nga dispozitat e kësaj Marrëveshjeje do të shfuqizohet, do të bëhet e pavlefshme apo e pa ekzekutueshme për shkak të parashikimeve të ligjit në fuqi në momentin e nënshkrimit të saj apo ligjeve që mund të hyjnë në fuqi gjatë kohëzgjatjes së saj, ajo klauzole do të veçohet dhe kjo Marrëveshje do të interpretohet dhe ekzekutohet sikur klauzola e pavlefshme të mos ishte asnjëherë pjesë e Marrëveshjes dhe nenet e tjera të saj do të mbeten plotësisht në fuqi dhe nuk do të ndikohen aspak nga klauzola e pavlefshme, e shfuqizuar ose e pa ekzekutueshme ose nga veçimi i saj nga Marrëveshja.
- 7.4 Çdo njoftim apo komunikim sipas kësaj Marrëveshjeje duhet të bëhet me shkrim dhe të dërgohet nëpërmjet (i) postës rekomande me përgjigje të marrësit në adresën e palës së cilës i behet njoftimi, (ii) postës ekspres, ose (iii) duke ia dorëzuar dorazi personit ose me postë elektronike (e-mail). Njoftimi do të konsiderohet i marrë në datën në të cilën është dorëzuar dorazi ose ditën e dytë të punës pas ditës së nisjes me postë ekspres. Nëse njoftimi dërgohet me poste rekomande, ai do të konsiderohet se është marrë ditën e tretë të punës nga data në të cilën është postuar. Për qëllim njoftimi, adresat e palëve do të jenë ato që tregohen në fillimin e kësaj Marrëveshjeje.
- 7.5 Kjo Marrëveshje dhe të drejtat e detyrimit e palëve do të rregullohen, interpretohen dhe ekzekutohen në përputhje me legjislacionin e Republikës së Shqipërisë. Çdo mosmarrëveshje do të zgjidhet paraprakisht nga palët me mirëkuptim, në rast të kundërt kompetente është Gjykata e Rrethit Gjyqësor Tiranë.

NE PRANI TE NJERI TJETRIT, palët nënshkruajnë këtë Marrëveshje në dy kopje origjinale në gjuhën shqipe me vlerë të njëjte secila, sot më date 31/1/2018.

Nga:


Ortaku dhe Administratori i Shoqërisë Gjergji Guri

Nga:


Pjesëmarrësi
Emër Mbiemër Nënshkrim

Klodjan Hima

Shtojca A
NJOFTIMI I BLERJES ME KUSHT - Plani 2015

Emri i Blerësit: Klodjan Hima

Pjesa e kapitalit: 4% e kapitalit të Shoqërisë Facilization Sh.p.k. i detajuar në Grafikun e Kushteve të Blerjes si më poshtë

Çmimi i Blerjes: 6,000,000 (Gjashtë milion) LEK

Data e Marrëveshjes: 31 Janar 2018

Data e Blerjes: E drejta e blerjes mund të zbatohet si e plotë apo në pjesë për përqindjen e kapitalit që është pjesë e kësaj marrëveshjeje në përputhje me nenin 2 të kësaj marrëveshjeje duke filluar nga data e nënshkrimit të Njoftimit të Blerjes me Kusht

Grafiku i Kushteve të Blerjes: Opsionet do të maturohen për të qenë kuota të bleshme të kapitalit në përputhje me kushtet dhe termat e përcaktuara në seksionin 2 (d) të Marrëveshjes sipas grafikut më poshtë:


Data	Përqindje e vlefshme për Blerje
31-01-2018	0,5
31-01-2019	1,0
31-01-2020	1,5
31-01-2021	2,0
31-01-2022	3,0
30-11-2023	4,0

Data e Skadencës: Në varësi të përfundimit të mëhershëm, në përputhje me nenin 2 (g) të Marrëveshjes, Opsioni dhe e drejta e blerjes së kuotave të kapitalit do të përfundojë më **30 Dhjetor 2023**.

BLERESI/Pjesëmarrësi:


Klodjan Hima 
Emër Mbiemër Nënshkrimi

**SHITESI/ Ortaku dhe
Administratori i Shoqërisë:**


Emër Mbiemër Nënshkrimi

Datë: 16/02/2018

Datë: 16/02/2018



[Handwritten signature]

[Handwritten signature]

Mandati Elektronik

Pershkrimi i Transaksionit

Emri i Klientit	: KLODJAN HIMA	Tipi i Veprimit	: Transferte brenda Bankes
Adresa e Klientit	: RR VATH KORESHI NJB 2 PALL 12/1 SHK1 AL/TIRANA/1001	Numri i Klientit	: 432907107

Detajet e Veprimit

Numri References	: 432FIBK210560025
Emri i Derguesit	: KLODJAN HIMA
Emri i Perfituesit	: GJERGJI GURI
Shuma Debituar	: 750,000.00 ALL
Shuma Kredituar	: 750,000.00 ALL
Kursi Kembimit	: 1.00
Llogaria Kredituese	: 402328893CLIDCLALLGH
Llogaria Debituese	: 432907107CLIDCLALLRG
Emri i Bankes se Perfituesit	: BKT
Datë Valuta	: 25.02.2021
Informacion mbi Detyrimet	: N/A
Pershkrimi	: Pagese per blerje kuotash te 0 5 sipas kontrates 23 Shkurt 2021
Komisioni	: 0 ALL



Shenim: Ky mandat elektronik ka vetem qëllim informues dhe nuk shërben si dokument i autorizuar. Në rast se informacioni nuk përputhet, në konsideratë merren të dhenat e bankes. Merrni pranë degeve të BKT-se një kopje të autorizuar të transaksioneve.

Data Krijimit: 25.02.2021 13:00:25



